



**JUDICIAL SYSTEM MONITORING PROGRAMME**

**PROGRAMA MONITORIZASAUN SISTEMA JUDISIAL**

## ***Komunikadu Imprensa***

***30 Abril 2013***

### **JSMP monitoriza Fiskalizasaun Komisaun A iha Distritu Aileu**

Unidade Programa Observa Parlamentu (POP)-JSMP hala'ó observasaun atividade fiskalizasaun Komisaun A Parlamentu Nasionál (PN) relaciona programa deliberalizasaun matéria "Desentralizasaun Podér Lokal" ne'ebé realizá iha distritu Aileu iha 19 to'o 20 Abril 2013.

Objetivu Komisaun A PN halo akompañamentu atu rona no haree direktamente planu governu nian no reasaun husi povu ba polítika Desentralizasaun Podér Lokal. Prosesu akompañamentu ne'e, fasilita Komisaun A bainhira Proposta Lei ba Podér Lokal submete ba Parlamentu Nasionál.

"JSMP hanoin katak programa fiskalizasaun ne'e importante tanba Parlamentu Nasionál mak sei deside polítika desentralizasaun munisípiu tuir knaar ne'ebé konstituisaun haruka ,"dehan Diretór ezekutivu JSMP, Luis de Oliveira Sampaio.

Polítika desentralizasaun no estabelesimentu munisípiu ne'e prezisa duni, maibé importante tenki iha preparasaun ne'ebé di'ak no adekuaudu liu-liu iha parte definisaun ba distribuisaun podér, rekursu umanut, no sistema kontrola no akuntabilidade durante ezekeusaun polítika desentralizasaun ne'e. Aleinde ne'e impoprtante atu polítika ne'e inklui mós preparasaun ba iha rekursu umanut, infrastrutura no ekonomia ne'ebé sai hanesan fatór determinante hodi hala'ó munisípiu.

Programa deliberazasaun materia podér lokal ne'e xefia direktamente no dirije husi Primeíru Ministru Xanana Gusmão akompaña husi estrutura membru governu balu ne'ebé relevante no hetan partisipasaun masimu husi povu no estrutura lideransa komunitaria distritu Aileu.

Tuir planu programa deliberazasaun materia ne'e sei kontinua halá'ó iha distritu 13 no sei kontinua akompaña husi Komisaun A Parlamentu Nasionál bazeia ba agenda governu nian ne'ebé sei remata iha 28 Maiu 2013.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

Landline: 3323883 / 77810637

[www.jsmp.tl](http://www.jsmp.tl)